

INFORMACIJA

O STANJU NA PODRUČJU KANTONA SARAJEVO UZROKOVANO POPLAVAMA U 09:00 SATI

U toku jučerašnjeg dana, Štab civilne zaštite Kantona Sarajevo je, u koordinaciji sa općinskim štabovima civilne zaštite i ekipama Zavoda za javno zdravstvo je nastavio sa aktivnostima na dezinfekciji objekata koji su bili zahvaćeni poplavama na području općine Novi Grad (Dobroševići i Rajlovac). Navedene aktivnosti će se nastaviti danas na područjima općina Novi Grad, Ilidža i Vogosća.

Štab civilne zaštite Kantona Sarajevo je u toku jučerašnjeg dana angažovao jednu cisternu sa tri čovjeka na otklanjanju posljedica od poplava preduzeću „Natron“ u Maglaju, dok su od KJKP „RAD“ angažovane dvije cisterne sa posadama na pranju saobraćajnica na području općine Maglaj. Također, 20 pripadnika PVJ Kantona Sarajevo sa dvije cisterne i dva kombija je angažovano na otklanjanju posljedica poplave na području općine Maglaj.

U organizaciji Štaba civilne zaštite Kantona Sarajevo, dana, 22.5.2014. godine u 06:00 sati, otišao je konvoj pomoći općini Maglaj za otklanjanje posljedica od poplava. Konvoj sačinjavaju: 3 cisterne PVJ Kantona Sarajevo; 2 cisterne KJKP „Rad“; 2 dizalice sa korpom za rad na visinama KJKP „Park“; 2 specijalna vozila „VOMA“ KJKP „Vodovod i kanalizacija“; 3 skip mašine, 1 utovarivač, 2 mini bagera, 1 grejfer dizalica, 8 kamiona, 3 autobusa od firme „Ans-drive“; te preko 206 radnika sa ručnim alatom za čišćenje.

U organizaciji Općinskog štaba CZ Trnovo, dana 22.05.2014. angažovano je 45 ljudi na otklanjanju posljedica poplava na području općine Olovo.

Iz općine **Vogosća** smo dobili detaljnije podatke o evakuisanom stanovništvu:

Ukupan broj evakuisanih osoba na dan 20.05.2014. godine je **252** osobe.

Trenutno smještenih građana po lokacijama:

- **Hotel Home Story** – 24 porodica (87 člana),
- **Motel Bešlić** – 14 porodica (46 člana),
- **Motel Royal**– 6 porodica (23 članova),
- **Crveni križ/krst**– 3 porodice (21 članova),
- **Privatno** – 80 članova

Za evakuisanu djecu koja pohađaju osnovnu školu obezbjeđen je prevoz za dvije smjene do škola. Za djecu koja pohađaju srednju školu i fakultet obezbjeđen je prevoz do gradskih stajališta.

Za evakuisano stanovništvo pored smještaja, obezbjeđena je i redovna ishrana, higijenski paketi, garderoba, neophodni lijekovi, a za školsku djecu je nabavljen školski pribor i knjige.

U toku su aktivnosti oko osposobljavanja kasarne «Enver Šehović» u Semizovacu, koja bi se eventualno koristila kao smještaj za evakuisano stanovništvo.

Tokom dana vođene su intenzivni naponi na obilascima i utvrđivanju stanja objekata koji se nalaze u širem području oko klizišta Podgaj i koji su preventivno iseljeni na sigurne lokacije, a u cilju povratka evakuisanog stanovništva tamo gdje je to moguće i sigurno.

Prema podacima dobivenim od općinskih operativnih centara civilne zaštite, stanje na području svih općina se polako normalizuje, ekipe općinskih službi civilne zaštite su stalno na terenu, prate situaciju, posebno oko klizišta i preduzimaju neophodne mjere na otklanjanju posljedica od poplava i klizišta.

U toku prethodnog dana je prijavljen **pronazak jednog neeksplodiranog ubojnog sredstva** na putu prema Grepku , MZ Delijaši, općina Trnovo. Informacija o pronalasku NUS-a je proslijeđena Timu za UES Federalne uprave civilne zaštite, čiji pripadnici su preuzeli navedeno sredstvo.